


趨庭所聞

二本合冊

6
369



始



趨庭所聞

二本合冊

6-369



趨庭所聞

述

齋林先生訓言

男

權錄

松崎復評

行而言者實語也。不行而言是為正徒。語

家嚴居恒所言粹然而精確簡當皆屬

以正入心扶世教。非言之與行合者

能如此哉。雖不敏。且夕景仰。唯恐徒

聞而已正也。乃錄所聞以自警。蓋家嚴

之訓。固不止於此。特耀之所記憶。而筆

路滋滯。亦未能達其微旨者也。雖然

輩能奉持而遵行之。得以髣髴萬一。則庶幾不背於趨庭之慈訓也夫。文政庚辰冬至日。不肖男擢識。

一

讀歷代史策。見古人事業。何等光明俊偉。精神尚存。往々令人發奮興起。方今之人。神氣奄々。萎蕩不振。養成一種衰頹氣象。退縮不任事。雖眼前相接。殆如既死人。古今霄壤何如哉。

義。乃集而生。今之人所以神氣奄々。由不學。不學故不知義。唯利之視。故利之所在。則氣王。氣王於利。故遇義則衰。在上者不用力於教養。而責民之不及古。則過於酷矣。或曰。今之學校不為不盛。奈何。曰。今之學則與古異。西周則不可聞。如春秋則可謂衰矣。其大夫遇事衝口而發。皆能以詩書道達其意。其民則孟子曰。壯者以暇日修孝弟忠信。可制梃以撻堅甲利兵矣。今之士民豈有之。

哉。然則不得不任其咎矣。

二

德量欲大。謹慎欲小。表記曰。有君人之大德。有事君之小心。是也。

膽大心小。雖方伎家言。朱子採入小學書。君子不為一不義。乃是小心處。不幸冤死。亦確然不動。乃是大膽處。小人屑為不義。乃是心大處。然至情露罪極。五色失主。即迷惑夢亂。乃是膽小處。

三

處世之要。以待小人為尤難。不洞見小人心術。則非特百事不濟。其身亦危矣。漢末黨錮諸賢。北宋黨人諸君。不知此義。悲哉。

何必子弟。君相最為要緊。激世語謂。終歲不讀書。讀者勿誤。

四

小人女子氣象相類。宜乎聖人比而言之。予每內觀女子之所為。而外以待小人。則庶幾寡敗事。

此嚴師所以壯老無敗事。

五

聞忠厚節義之事。而感慨泣涕者。足托大
事。

所以中山相屬彼放魔翁。

六

語云。治日帶少。乱日常多。以予思之。君子
進小人退。紀綱正。弭令嚴。百官循道。臣民
守度。是則治。反是則乱。及是干戈騷擾而
已云哉。

君子出處。宜細於此識破。

七

當安穩之時。持戰兢之心者。事必熟矣。當
戰兢之時。抱安穩之念者。事必敗矣。聚思
散。始思終。有思無。樂思悲。行思止。取思與。

八

士大夫進退出處。足為一世之輕重。始可
稱大夫。至以此下治乱盛衰。則可謂誠大
大夫也哉。

足為一世之輕重多。如唐狄仁傑宋之

韓范富司馬是也。如謝安石徒坐鎮雅俗耳。至卜治亂盛衰。則孔孟以外。伊呂諸葛足以當之。今之大丈夫。何必然。

九

後可悔之事。能前慮而勿為悔心。最壞心病。喪心者多從壞心來。

痛悔痛改。而後胸無宿物。始可免是患。

十

士當獨自樹立。依熱附炎之念。不可苟生。好一服清涼藥。人情有欲則裁而節之。是

豈止食色財利哉。雖書畫花石。凡百屬清翫者。亦然。苟不知裁之。則害亦從生焉。吾黨最所當戒也。

可當植卦彖。

十一

立志最要遠大。區々志干迤小。則無可言矣。余少年常思為世間第一等好人物。而今日所為碌々無過人者。又思為世間第一等大學問。而今荒疎繆妄。不進於舊。已志遠大。而所就如此。况志迤小乎。

嚴師不世出之資。獨有此嘆。少年諸郎
應沉着下工夫。惟日不足。

十二

凡事有可怒。則須怒其一事。若及他事。或
涉往事。則怒氣為之百倍。而太失中正。
顏子心齋為此。

十三

古人云。人可有愛國心。不可有憂國之心。
今世猶有志之徒。往夕有憂國語。然未知
果有愛國心否。

此真愛國人也。

十四

人有長短得失。須先知我短與失。而自責
最好。如恃長與得。則反為短與失。噫。何可
恃哉。蓋明快通達者。必闕慎密周詳。謹愿
朴慤者。必闕大度雅量。此類甚多。汝輩立
身。要須於長所下工夫。

此真父兄也。

十五

事雖至小。有足觀其人品者。每作尋常書

疏。有人來。輒遽示覆藏。又或低聲言論。看人至。忽中止之類。可知其人胸中偏小。溫公無不可對人而言者。早已打破此關也。偏小私也。公則大。私則小。

十六

稟生武家。不可斯須忘武。若吏精于錢穀。則受勘定。職精于工匠。則受作事。職從其所長。而供公家之用。固其所分。而畢竟志之所存。不可忘其本也。

十七

余一日郊行畦畔間。路甚窄。別有支徑似捷。乃行之。則迂殊甚。為之大笑。因思世間事。有似便而不便者。豈啻是。

徵公理園草。而語學。同一痛切提誨。

十八

祖先有道德勲業者。其子孫最當欽仰。英風而不墜家聲。識能自重自愛。慎言行勤道藝。以底于有成。非惟其身之為榮。乃所以致孝於祖先也。世人往往有謂。吾輩不肖。非可及。而自安於暴棄者。何其忝祖先

之甚哉。

覆衰之易如焚毛。亦發於是之念頭。

十九

氣聚是活人。氣散則是死人。其聚不滿百年。况復幼孩耆耄。前後乘除。其中間為真活人。不過數十年。不以此數十年之間。淬厲刻苦。修道德起事業。而徒怠惰放肆。玩竭歲月。與禽獸草亦何異。所謂萬物之靈果何在。

君子曰終。小人曰死。語簡而要。此一則

詳而明。

二十

古之人為善大。而為惡亦大矣。今之人為善小。而為惡亦小矣。古今人物何其懸絕也。

譬如九夏。蘭茝亦大。如九秋。則不然。蘭茝亦枯。菘蕘亦枯。理則然。然君子猶此。有回造之法。故其激發引進之語如此。

二十一

見信于人者。必由有所自信。見悔于人者。

必由有所自悔。

曾子一生戰兢之實際。

二十二

凡人世無大無小。皆有所長於我。故應接之間。不可徒然也。譬接吏人。問以法制。條令。錢穀。水利等。接遠方人。以風俗。地理。產物。有技藝人。以其事業。平生用心如此。始能濟大事矣。

所謂亦何常師之有

二十三

凡事豫則立。立字。極當理會。

二十四

無虛懷而容物者。都不濟事。

虛懷容物。先生自持。四字符也。

二十五

今世世祿之家。一是服勤公事。而可思適。用。徒尸素餐。只成身計者。寔天下之罪人也。

宜寫一通自佩。

二十六

天道固有晴雨晦明時。人事豈無否泰消
長之道。循環倚。自是天下之常理。乃感
感憂苦。而至廢寢食者。可謂大丈夫乎。
不動心之真訣。

二十七

大可忍。小不可忍。

二十八

人間事變。千頭萬緒。今日之事。皆一部活
史也。人生是非善惡。禍福窮通。無聖賢格
言。乃能用一部活經也。

始知詞章記誦。乃莊子所謂糟粕也。

二十九

信婦人之言。不信男子之言。小之則家。大
之則國。其不釀亂者幾稀。

先儒直方云。我以為此婦十郎之妻。反
是此婦之十郎也。鬚眉漢當教之初來。
不然莫及矣。

趨度所聞 終

述齋先生訓言

右趨庭所聞一卷林述齋先生所述訓言凡二十九條男耀錄之而松崎慊堂先生附評者有二十五條因前島氏藏本寫之

趨庭所聞

述齋林先生訓言 男耀錄

一

貴權若有名之家。為之子弟者。多驕慢。以其常為人所推尊而不受屈辱也。苟不擺脫此氣象。則百事不成。將終於不肖子。

二

臨聲色貨利。而心恬淡者。可謂真箇大丈夫。

三

古人於怒。獨論血氣與義理。不但此也。凡
喜懼愛憎剛柔張弛。皆有此二途。所宜辨
識。

二

四

凡事須淡不須濃。

五

聽其言也。視其眸子。此是聖賢相法。其餘
區々骨相。又何足論。

六

狐之靈妙。知既往而不知未來。故一言不

出諸口。則彼不能得而測焉。人事亦然。凡
欲舉大事者。勿苟出諸口。故曰機事不密
則害成。

七

為狐憑者。皆癡漢也。自古聰明知識之士。
莫有為狐憑者。彼其為小人女子所蠱者。
亦是此類。

八

待小人不惡而嚴。此意甚好。苟惡之之念
生。是我苟量狹小可羞。自古君子為小人

三

敗者。以有惡之之念也。又自嚴則却易緩。非所以益取敗哉。

四次

九

當失意之時。須存得意之心。當得意之時。須守失意之心。失意之時。神色憂悴。奄々不振。至得意之日。則有盈滿倨驕之意者。不足其語。

十

人須能讀史策。古今成敗之迹。雖千蹊萬踪。其理皆一也。我先為取敗之事。而及其敗。即驚駭恐懼者。可笑。有可必成之事。而敢為。徒爾放過。間了一生者。亦可歎。

十一

有可與衆謀者。有可獨自決者。有衆人而可者。有衆於人而不可者。有盡心于事而可者。有盡力于事而不可者。有用人而可者。有自用而不可者。如此類極多。然則何以判之。曰識。何以得識。曰學。

十二

日用器什用羸惡者。雖為臧獲損壞。不軫

五決

念慮。室屋足蔽風雨。一旦為祝融奪去。亦無動靈府。又况養吾儉德乎。

六決

十三

書畫文具原是清事。然須從其所得而自足。若苦心勞力百刀菟索必得之而後為快。較之貨利。雖有清濁之辨。其為貪婪則一也。秋壑天水祇見其遺真千歲耳。

十四

凡事有偶然可樂者。譬猶風雨之夕。俄得清月。或行遊遇佳泉石。或燕居無事良朋不期而至。此類皆不用意而得之。最可樂也。預故意卜日。則不如意事却多。

十五

凡事做事須要有頭有尾。頭雖能行。尾多不結。是所以速敗也。

十六

觀人於初見。月且乃定。若思惟多端。自生疑惑。或認善人為不善人。或認不善人為善人。由此陳君子近小人之弊生。

十七

果斷之人。其所為似踈忙。而心中從容。有多小間田地。因循之人。其所為似間暇。心中鹵莽。有多小榛茅踐。

十八

足於己而求於人者。身雖富。心則貧。不足於己而不求於人者。身雖貧。心則富。

十九

對家人。宜嚴正而厚重。

二十

一家之盛衰。在家法之嚴正與荒怠。勿以

富貴為盛。貧賤為衰。

二十一

人之所為。須能容忍。己之所為。不須有一毫容忍之心。

二十二

凡禍患。自盈滿生。以謙恭免。自苛刻生。以嚴毅免。自譎詐生。以誠實免。自猜察生。以精明免。自拘泥生。以變通免。

二十三

混俗固不可。背俗亦不可。其不混不背之

間。恰好適中處。便是處世第一好田地。

二十四

不為己甚。好事且然。况不好事乎。

二十五

人立志修業。要不一偏。余本仕進之路絕。故無事業之念。專期以著述傳于後。然不圖蒙特恩。膺華選。適會舊弦更張之時。做得瑣小事業。而無復寄心于著述之暇。其與夙志睽乖如此。凡於事業於著撰。唯須隨其所適而做得。古人皆然。倘專偏于著撰。則臨事而不通于世用。專謀世用。而不能著撰。則無之時。亦能做得何事。

二十六

古今無無弊之法。天下無無過之人。故擢寡過之人任官。執寡弊之法為政。亦足稱善治矣。

二十七

以小人之心。忖君子之心。不見其善。故欲陷阱待之。以君子之心。度小人之心。不見其惡。故蹈禍機不知。

二十八

仁該眾德。百年行之不足。敬勝百邪。一生用之有餘。

二十九

修身歷年。僅得小名譽。放心一朝。忽罹大謗議。可不慎哉。

三十

治家之要。嚴男女之別。治無不由之。不治無不由之。

三十一

心身修而人不信。德教成而人不化者。誠未足也。誠既充實而後。不化不信者。未之有也。

三十二

志氣定。則論說有條理。志氣不定。則言語易紛亂。

三十三

賢知所為。凡庸所為。事無二遷。但為於未然。莫為於已然之間耳。

三十四

視聽言動。要安徐寬和。不特其養德已。亦養生之良方。

三十五

未能修身齊家。而以功名自期。此是學者通患。

三十六

居恒當存簡默。簡默則片言之思。人如獲拱璧。一語之責。人如負荆楚。

三十七

急於進取者。不可授以重任。唯有恬退之

志者。而可以當之。然有恬退之名而無其實者。多畏懦柔情也。疑似之間。不可不察。

三十八

有為人謀為。則當耗精竭力而後已矣。耗精竭力而人猶易抱不歎之心。况有別於人我之心乎。

三十九

種德于冥々之中。唯吾獨知。不自欺暗室。不求人知。無事靜坐。中夜夢醒之時。思之。樂莫大焉。

四十

古人言怒最難忍。我常思之。會有人加侮慢。則謂以己比彼。賢乎彼遠矣。彼何人而強梁如此。不覺勃然色動。退而念之。人之行之不戾道也。自是男兒涯分之事。而有自足挾之之心。則我既失之。何咎人乎。此念一起。怒氣冰釋。

四十一

王肅上疏陳政本曰。除無事之位。損不急之祿。止因食之費。并從容之官。此四事實

當今政本也。

四十二

人君之要。莫急鑿人。今之侯伯於刀劍。於書畫。於器皿。於酒茶。真實高下鑿識無餘。而不辨臣下淑慝者頗多。蓋以此移彼焉。

四十三

士當達則小心。窮則大膽。

四十四

晴天和氣。累日彌旬。人無歉足之色。陰雨暴風。崇朝通夕。皆有厭惡之心。夫能耐此

情景則不淫于快樂得意之日。而凜然于
輒軻困頓之秋矣。

四十五

儒有不達人情。不諳世故。而高談經濟。使
之從政。殆哉。

四十六

辨論明晰。使無餘蘊。而猶恐人之不服焉。
難矣哉。不言之教也。

四十七

不言之教無他。但在躬行實踐。有所人觀

以感。

四十八

立志。須以知耻辱為先。

四十九

成不可為之事。譬猶攀不可登之樹。纔到
梢上。則必下墜。

趨庭所聞終

右趨庭所聞一卷林述齋先生所述訓
言凡四十有九條男權所錄也因濱野
氏藏本寫之

趨庭所聞二種印寫蠟紙換筆耕配
布于斯道之篤學者

大正十年十二月 日 松雲堂 野田文之助

大正十年十二月十五日印刷
大正十年十二月二十日發行
編輯者 東京神田區今川小路三三
發行所 松雲堂 野田文之助
東京水郷區三軒町八一
印刷所 六台社

6
369

終